



Palmkätzchen: ein Gedicht

Beitrag

Poimkatzalblüh

*Jetzt hots doch erst gschneit.
Is de Natur scho wieda so weit?
Des kurze Fruahjahr hobn de Blütn ausgnutzt
und san aus ihram Vasteck raus gschlupft.*

*I hob dacht, i siehg net recht,
aba de Blütn, de san echt.
I hob meine Augn fast net traut
und hob ma s' genau ogschaut.*

*Bin gspannt, wos mia Ostern für a Wetta kriagn.
Tean de Poimkatzal dann oiwei no blüahn?
Womögli tuat eahna da Schnee zuasetzn.
Dann is's aus mit de Blütn.*

*Poimsonntog werdn de Buschn bloß no greane Blattl trogn,
wenn de Katzl ganz vaschwundn san.
Do ko ma jedazeit Äst vo andane Sträucha hernehma.
(Ma derfs bloß net erkenna.)*

Gedicht und Foto: Marga Leingartner, Rosenheim



Kategorie

1. Natur & Umwelt

Schlagworte

1. Gedicht
2. Palmkätzchen